

Këyítfii Pool bín Fílemonጃ Wo'eencii lëgis Këyítfiida

Këyítfii fii Pool bídeefa filiici Fílemonጃ. Fa wo' ga loo kimat ga ngëm na ga loo ki'en ñaam. Fílemonጃ nak dëk teeraa Koloos ee ya enee bo' yilëeki'-teek daama. Ya sükúrukka iñaa Pool jangat ga loo Hewhewii winéwí'wiida, ya gëmmbawa, ee ga saasi, ya aassa ga kikerceen. Ya laakeera ñaamaa teeku Onesím. Onesím nak núp̄pa; Kooh tummba ya hotohha na Pool lak yaama yaa ga kasu. Pool yéegallari Hewhewii winéwí' wii ga loo Yéesu Kiristaada. Fodaama, ya aassa ßan ga kikerceen.

Këyítfii fii nak Pool bínndafa Fílemonጃ ya bayal Onesím. Ya ebilla Onesím kibayfa na kihafci bi ga Fílemonጃ. Newee Fílemogaa ya tum ga Onesím iñaa neßpi bi ga sah ki'ap ndaga lak waas oninndika. Pool nak kíimmbari ga këyítfiima ya abohoo Onesím fodii ñaamaa núp̄ hen. Ya kíimmbari kitookki ga kaanci na keeñ wimóri' ndaga Onesím nari ßa ßanak béebba, ßa bok ngëm ee ßa enin wíinoo ga Yéesu Kiristaa.

Këyítfii Pool bín Fílemonጃ tíidoh anee:

- 1 - Këñdoh (1-3)
- 2 - Pool gërëmba Kooh ga Fílemonጃ (4-7)
- 3 - Pool nak Fílemonጃ yen aaw ga Onesím (8-22)
- 4 - Taጃkoh (23-25)

Kěñdoh

¹ Mi Pool, mi yii mi lagu ga kasu ndaga lęgëyii Yéesu Kiristaada, mi na mbokkuu Tí-motée, dí bəri bínndaa këyítii fii, fu Fílemon, fu yii dí keeñukin ee fu taam naríi ga lęgëyi-ida. ² Dí bii këñ'taa, fu na ban mbokiigaruu yibetiyyi, Apfíyaa, na Arkíp yii taam naru ga lebirii kituuki' ngëmiida, na ban buwum gëmin ga Yéesu ee hídirukohsi ga kaanfuda. ³ Mi yii kím Kooh, Paamudiigaruu, ya na Yéesu Kiristaa, Ha'mudii, ba barkeellúu, ba onndúu jam.

Pool gërëm Kooh ga Fílemon

⁴ Saycaa mi kím Kooh tooh, helloo ka' garaa ee mi gërëmi Koohyii mi jaamukida. ⁵ En ki'ena, mi kelohin ngëmii fu laak ga Yéesu, Ha'mudiida na dii fu hín kiwaa' buwii en buu Koohda. ⁶ Mi yii kím Kooh, kibokkii fu bok naríi ngëmda laak jeriñ, en danaa ka onndaa kiwëñ ki'ínoh iñaa yijófi'yaa en tooh du mín kitumi' Kiristaada. ⁷ Mbokii, en ki'ena, kiwaa'kii fu waa' buwiida soosin keeñjoo lool ee dëldin helloo ndaga dii fu yii daas keeñcii buwii en buu Koohda.

Pool nak Fílemon yen, aaw ga Onesím

⁸ Këri tah, laakin iñaa mi waa' fu tumi'too. Ee hídaa ga dii Kiristaanii oninndoo kimínndaa ki'ebil fu tumbiida tooh, ⁹ mi kímánndaa hen, ndaga kiwaarohkii en ga díkaantiruuda. Mi tumka, mi Pool, mi gu'gi'in ee mi yii lagussa ga kasu ndaga kilęgëyi' Yéesu Kiristaada. ¹⁰ Mi

kíimmbaa ndaga Onesím*, yii mi am fodii kowuroo, ee mi en paamci ga ngëmii aboh dii ga kasii mi lagohuda. ¹¹ Kudewaa, ya laakdéeríiraa jeriñ, wayee diimada, ya hayyaa kilaaki' jeriñ lool fodii ya laaki'too jeriñda.

¹² Ya ga kihafci, mi yii boykidohhi garaa, wayee man na mi boykidoh keeñiigoo sah-sah.

¹³ Mi waareerari kitēhdoh dii, ga yahaaroo, ya amdohiroo ga lēgēyaa fu jomee kitumda, waa mi yii lagussa ga kasu ndaga kiyéegaloh Hewhewii winéwí'wii. ¹⁴ Wayee mi waa'tii kitum dara ee fu taambii ga, doonaa, iñii yijófi'yii fu tumdanndooda enoo gítín garaa, wayee wa en iñaa newanndaa hen.

¹⁵ Heyna sah, Onesím hēgísohu naraa iñaa maañjii, doonaa binaa ya boyukis garaanaa, dú en bi taa'. ¹⁶ Ee ya ensisoo fodii ñaam, wayee ya en iñaa gēn kiñaam fúuf: ya yah mbok-kerceenaa béeb keeñukin. Mi ga kihaffoo, ya en iñaama garoonaa, wēñaa ga fu yuma, ndaga ya yuufu ee ya mbokfu ga ngëmii dú laak ga Ha'mudiida.

¹⁷ Kon en an fu abinndoo filiifunaa, tookaari ga kaanfu dijófi' fodii enee minaa. ¹⁸ Ee ban, en an ya tooñinndaa wala ya baydinndaa kobotaa, namaaroo kitaabuk. ¹⁹ Mi Pool, mi yērí bínndaa iñuma na yahhoo an: «Mi yērí yahhaa kifay.» Enndii an mi waa'taa kiníindís an fu baydinndoo kobot ban, ennda fu ga

* **1:10** 10 Onesím enee ñaam Fílemoŋ. Ya rēcca bes, ka'ta. Heyna, ya daanee Pool kiwaaknee ga kasu. Teekaa «Onesím» waa' kiwo' «jeriñ». Mēdírohat na 1: 11

kihaffu. ²⁰ Ee, mbok, dímaláaroo ga iñaama ndaga Ha'mudii dũ bokohda ee fu dēlí' helloo ndaga dii dũ en wínoo na Kiristaaniida.

²¹ Ga dii mi enndaa na kibínda, mi laakin yaakaa' an fu hay kitum iñii mi kíimmbaada. Fu hay kitum sah iña paaf iñii mi kíimmbaada. ²² Ee ban waayukdaaroo daa mi dēkan. En ki'ena, mi abin yaakaa' an mi hayyúu ki'íku ndaga Kooh kelohin iñcii dũ kíimi'tooda.

Taŋkoh

²³ Epafaraas, yii mi bok nari kilagu ga kasii ndaga lēgēyii Yéesu Kiristaada, yii kēñí'túu ga.

²⁴ Marka na Arístarka na Demaas na Lúkkaa, bii taam naroo ga lēgēyiida, bii kēñí'taa ga ban.

²⁵ Mi yii kíim Yéesu Kiristaa, Ha'mudiigaruu, barkeellúu.

**Hewhewii winéwí'wii Kooh Kifiliimunkii
ki'askii**

**Noon: Hewhewii winéwí'wii Kooh Kifiliimunkii
ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 2 Jun 2022

7c1cfb93-c4c9-5127-ac22-ecb23adca870